

道光元年歲次辛巳鑄

陽春縣志

省城六書齋刻

南海縣志新捐

志者何道政事之書也親民之吏之
知乎人民及地域廣輪之數與交
川之險易土物之豐瘠風俗之淳澆
德行道藝之所宜書政教之所宜
事非欲圖治圖豫於吾矣余奉檄

春縣志

序

知陽春甫下車竊效紫陽氏之急
務詢邑志覽之弊病其苦陋思
加蒐輯以傳書帙掌示違也文
幽發潛以勵風化與利除害以厚
其俗志乘所閱良鉅形言志於下
邑有難焉者春之為縣亦未矣

宋之世宜有紀載專書乃所以監
家藝文著錄於欽南古郡縣為司
於為錄為記所在多有而場者
撰志者僅從史志得茲邑山川民
祀若李氏元和志樂氏寰宇記
氏方輿勝覽諸書即通志大邑

於志時亦有藏奔刻解壞乎
志沿訛字溢是正此攷古之難也一
政典詳於官書先贖基繁裁
函易又半遭囊蝕本志弗完此
一二工文存鍊時務之士其言
以獻激然著述者多十僅以一其

所見異辭所聞異辭所傳同又異辭
益疑歸而足依標信今傳後之化而
援里閩雌黃之論以爲不刊未見生可
也此激今之難也余用是兢不敢率
爾授簡在何

制府芸臺先生有纂修通志之舉

撤下所屬郡縣採訪事竅余既述邑
事崖畧上之省局乃邑人士復以脩志
請余曰是志也徒踵事而增字費也直
先革創邑人士屬予既具余曰語中詳
擇弗粘亦老當也時番禺劉樸石太
史方總撰省志爰以葉介請葉制正

夫史乃取舊志正其訛例及其龐蓋
訂其訛以補其闕漏余道邠蒙檢年
城於與商榷書成凡十四卷事增於前
十之二三又省於舊亦十之三余幸斯志之
浚而於春之民有厚望也春之在古固推
結之休茅蠲之區也風氣寢開衣冠彙

蒲糝必蔚如今則擬科第何組綬者
踵相接於朝先民有言仕宦之鄉陶
染成俗宜若莠民皆薰德善良無
有濇張為刃者乃風俗之溥轉不遲
昔豈土壤之殊乎抑政教之未至也殆
軌物樹風聲是志之脩誠圖治所當

亟斷固為標返澆為溥余將拭目以
俟而後以是為模範山川鋪張文物之
書不淺之守視志也哉

嘉慶二十五年歲次庚辰二月中澣
前署陽春縣事清苑陸白榮樹堂

氏謹撰



陽春縣志序

余奉檄來春州數閱月邑人士以志成告前署尹陸君樹堂既序之屬余亦弁言卷端是後也陸君始之余繼之始事者難總事者易余可以無言是書也番

禹劉樸石太史實繩削之其類事也核其屬辭也雅其叙例也嚴且備矣余尤可無言雖然余聞道也者所由適於治之路也因思志也者所由達於治之書也而余獲與有力以觀其成也

矣夫粵古稱海濱邠魯區陽春
於粵一下邑耳然亦可以邠魯
稱余蓋綜生平所閱歷而甚有
屬望於春也余幼隨侍先君
子宦遊西蜀比壯歲筮仕秦中
愧輜陋才不足以言治惟於蜀

挹峨嶺青城錦江玉壘之勝槩
於秦攬終南太華嶠函濟渭之
壯觀益信山川靈竒人物瑰偉
為古今之通論焉茲者踰嶺而
南覩贛陽都會民物之盛伯仲
秦蜀而山川則端州尤奇秀春

為端之屬邑崆峒巖壑號曰神
皋其雲霧天凡鸚鵡諸山冠溪
漢陽諸水照磅礴積宜為人物
淵藪乃稽之於古瓌村不數數
覲今雖涵泳

聲教駸駸乎肩隨上邑而士風猶未

甚感民俗猶未盡淳也曷故宗
陳峴有言習俗之龐雜鬪訟之
蕃多亦嶺海之會居勢使然願
司牧者能辭其責耶然則斯志
之成以闡幽潛作風化所繫之
鉅而風土剛柔之異政務興革

之宜余將開卷瞭如資以治春
用是遂不能已於言願與春之
士民砥礪感發同適於治無忝
乎海濱邠魯之稱也

嘉慶庚辰夏五月知陽春縣事
吉水陳懷彥補初氏謹撰



陽春縣志序

皇 上 御 極 之 元 年 奉 憲 檄 攝 陽 春
篆 值 新 修 邑 志 成 將 付 剞 劂 已 人
士 請 序 於 余 維 此 志 如 事 於 署
令 陸 君 而 前 令 陳 君 繼 之 二 君 序
之 詳 矣 顧 陸 君 之 為 此 書 其 審

慎 有 足 嘉 者 先 是 官 保 阮 制 軍 饒
修 省 志 檄 下 所 屬 採 訪 事 實 陸 君
先 於 舊 志 芟 其 繁 蕪 補 其 缺 略 而
邑 人 士 共 有 之 既 又 就 正 於 番 禺
劉 樸 石 太 史 時 太 史 方 主 越 東 講
席 五 總 志 事 益 得 參 互 考 証 廣 其

系備至矣。書矣。世言郡邑志。稱闕
中。竄善。閩中多前代名人。筆翰
是武功。二志尤有名。武功。詞亦雅。
義。昭。初。鑿。官。師。志。善。惡。並。著。尤。為
南。董。直。若。初。邑。志。僅。六。翻。自。之。八
志。乘。之。簡。無。逾。於。此。者。故。晉。人。趙

為絕作。然志也者。典章所記載。蹟
以不墜者也。不貴其冗。而貴其詳。後
人讀志。而未詳者。轉須稽諸檔案。
檔案不能傳遠。終歸蠹蝕。則亦何
貴而有此志乎。五象剪裁。補綴刊發。
凡近敘黃河。錄事凡百六十餘字。宜

畧者反詳之以示其華墨之剛暇
著心之高卑則可謂志乘之正體
也此志雖不盡如武功之例然志
沿革則確而有據志賦役則詳而有
體志疆域則為之開可計里志山
川則析其支流源流詳而得宜料

酌考善洵是而前人相續美矣且
夫天下之治平自一邑始風俗之
移自邑令與賢士大夫如邑令者
民之官賢士大夫者民之望也陽春
自昔為僻邑今則科第聯綿於錫
州十三屬中人文尤為蔚起然

故謂習俗盡淳美人心從古處矣
余莅事才始茫然未知所從政賴
諸君子示我周行匡匡不逮而適值
是志已成聞卷瞭然出示諸掌是念
之厚幸也昔柳子厚守柳州郡中
往山水搜奇抉奧紀述無遺夫守之
者奉

天子命以經理民人豈直為遊觀歌咏已
乎故朱子守南康甫下車即詢郡
志君子謂先務余於先賢言
之為後而高山仰竊有志焉爰
即鄙見詮次為序而并贊諸志

其將何以教象也

道光元年歲次辛巳署陽春縣事

坐補儋州知州滿洲喀勒勤崇依鶴

汀氏謹撰



陽春縣志舊序

夫志何容易哉分野氣候上關天文也封疆風俗
下維地理也學校官秩士風吏治也禮義兵防禮
祀閱武也選舉賦役什籍氓數也名宦鄉賢表裏
人物也他如祥異迭見物產生殖狼狽興滅之由
繩繩具載其中譬如按內經之書百品羅嘗探武
庫之積誠哉森列誠邑治大典也顧操觚摘詞貴
公以該博設譽者勸雷回之說任胸臆者豎聚訟
之輒幸今陪會則郵書而燕說沿襲差訛則亥豕
而魯函嗟嗟誌何容易哉誥跼踖簿書自蒞任以

來夙夜兢惕惟恐吏治不效以速官謗稍公餘退
食則僅僅以文籍自娛淫兒肄業耳顧蒿目蓬心
也奚志之敢第思邑誌重典嘉靖丙辰歲令尹俞
君初修嗣是經亂物故沿革不常幸今大征綏靖
闔治指張借不輯而修之曷垂不朽哉故不揣僂
庸不憚勦襲而誌之草焉懼散也奚辭僭妄昔漢
世遷固氏蒐羅百代勒爲一書說者謂其實而實
詳而有體而是非牴牾猶有遺議焉如此乎志之
難矣今司訓羅君宿學偉識文行公器鄉先生者
年宏抱藻鑑精明而邑校諸友又習之傳聞隨

物議他日太史執簡鑿取視草當必托袞鉞於一字寓勸懲於片語者敢不敬加參訂如分門未妥則合附不爲煩如比類未肖則分別不爲異何者當增何者當削何者當詳何者當畧何者當存迹以俟後之究竟何者當新案以弭後之爭端山藪奇節未盡建明則顯微而闕幽官蹟吏治未協公評則核駁而糾論然後申之公案壽之梓編以垂永久則春邑之光也諸士君子叅訂之力也諸庶無越庖乎哉是舉也遍借舊志僅得一部簡序已失而按條文廟一款志端有硃批云重脩文廟木

石皆出於甲里而修志秉筆之人謂其捐俸河其誣也按城隍廟一款志端又墨批云嘉靖二十四年知縣潘相重修廟宇獨遺其功而不志夫後之視今猶今之視昔也此硃墨二批果出核實誠脩志者之遺議也借修而筆之者不相矛盾則硃墨之跡猶足警惕修志者之將來也萬惟互相考訂協贊成書毋俾見議如昔則誥幸矣萬曆戊子邑令張文誥

按張志久佚惟存此序見康志序中所云舊志蓋嘉靖中俞志也明黃佐廣東通志載陽春縣

志五卷俞宗周撰攷舊志縣令有俞文英無定
周疑宗周卽文英之字耳

我

皇之上首出御極化被海外廓古今版圖所未有因

詔纂輯寰宇一統志蓋欲一道德而同風俗至鉅典也

一統志該各省省該其屬府州府州該其屬縣縣

志不綦重乎哉春邑志自明萬厯以來幾百年餘

歲久日深板刻燬失康熙十一年奉檄修志倉猝

未有成書兵燹之後副本無存述守茲士政暇卽

與紳士討論邑乘每欲續修而未遑會奉憲遵承

陽春縣志

舊序

七

部文重修邑志述會集學博紳士廣採旁探編摩

校讐不敢限以時日懼考核之未詳而事多舛訛

也不敢不集衆思懼聞見之不廣而事多缺略也

多士曰志者識也識其大復識其小區太史嘗三

之矣今以百年之殘缺遺文故老蒐羅維艱畧少

則事蹟弗備幽微弗彰邑之典故混如也郡志

志何所於稽乎詳之則繁稱細瑣卷帙浩繁不

濫觴之謂爲詳爲畧何去何從體裁須歸於一沫

曰輿圖疆域山川阨塞此千百年不變者也然若

無昔險而今平昔僻而今衝者乎風俗歲時此

時變通者也然得無昔淳而今澆昔盛而今衰
乎則壤成賦戶口丁徭今昔皆然矣何以昔行之
而民日以殷今行之而民日以困也學校選舉秩
官易代同然矣何以謬訛相沿姓名湮沒無從稽
考也分野則縣與郡可按籍考也輿圖疆域則道
里之遠近可稽也問菑苻可虞兵防之備禦無患
平間旱潦不常水利之灌溉幾何也至于大道變
於上人事應於下不可不書也禮儀祀典之不
其備也物產之必求其明且悉也名宦人物之不
厥核其真也得其真可以照耀史冊雖多而不

其詳也不然者魚目混珠和璧疑石積行之士必
不藉此爲榮矣凡此所宜詳不宜畧者也宜詳而
不詳則爲鄙若乃藝文雜記則從畧無詳可也不
宜詳而詳則爲汎抑述更有進焉春邑五里彈丸
文獻無徵非若通都大邑有聲名文物之盛可以
炫飾觀聽也則與其畧而寡文不若詳而可考古
者列國有史凡里俗皆得綴集以備太史採擇
之志古之史也縣志不綦重乎哉僅析其義例爲
綱者十有八爲目者五十有奇分理修輯屬事
詞越三月而書始成語曰千金之裘非一狐之腋

則小邑俚言或亦有助於高深云述也不文幸藉
手以告無罪焉爾如曰一道德而同風俗恐非下
邑小吏之所能爲也康熙丁卯邑令康善述

按康志爲邑舉人劉裔炫拔貢生梁墮歲貢生
劉大鏡歐陽志學李承運伍燦附貢生楊公俊
監生劉裔燦汪演忠生員黃應虬梁宜申謝茂
松張鑛汪世炫梁型梁準張錦梁傅殷鼎張蔭
星劉家垓張鑑同輯凡十八卷今存

邑之有志猶國之有史也考古成周太史陳風而
輶軒所採四方之貞淫奢儉政事得失莫不達之

王朝以佐治理迨易封建而郡縣周官之法不行
漢建口中詔修風俗一書厥後華陽有志人物有
考後之君子踵其遺法凡職方所隸疆域人民官
師貢賦謠俗嗜好益詳上以是察治下以是採風
是志之作也其卽史氏之遺意乎

國家鼎建百年仁風翔洽我

皇上神靈天亶丕承鴻業凡左右大吏暨良二千石咸
宣布德愷覃敷遠播道齊德禮之化幾於無外

特命直省郡縣修輯志書登之史館以昭一道同風厚

東魯下土叨承

開命攝篆春州甫下車得與博士薦紳共勦盛典爰是
搜覽羣書廣徵耆舊採里巷之傳聞訪潛德之實
蹟以前志爲規模參之省志府乘舛錯者訂正之
掛漏者輯補之登見者刪削之邇來數十餘年教
化日新風俗丕變前之險谿隘谷今則坦道康莊
也前之烽燧乍熄今則雞犬嬉遊也前之科目寥
落今則多士聯鑣也至於英賢之挺生藝文之藻
發孝節之炳烈春雖蕞爾哉亦足以垂不朽何莫
非

聖天子道隆德備之所陶鑄乎生斯土者固沾化育卽

陽春樂

三

厚操鉛學製亦大有慶焉若夫土風俗尙間有不
齊樸華奢儉時有沿革川陵消長橋梁遷復時有
遞更亦慝慝載之用告厥成爰付剗剗厚自慚寡
陋不免抱殘守缺而一時公論出其中萬世公論
亦出其中盥毫祇慎所不背史氏之遺意免貽護
於大雅也幸矣雍正庚戌邑令王博厚

按王志爲邑舉人劉宗湘譚子芳拔貢生劉家
楹 恩貢生梁宜中歲貢生張鑑劉裔沂王章
猷梁美中梁璿林振泮劉家珍貢生謝成勳生
員劉家坡梁日鑿梁斗星陳應球劉家正黃朝

晃伍銓揭友璿陳廷琛李國球梁正呂珠柯一
榮謝萬才張淡劉宗泮梁坦朱國俊嚴干文林
維甯同輯凡十七卷今存

春邑建置始於唐之武德四年其後分析合併沿
革靡一至明之洪武九年以陽春縣隸肇郡嘉靖
丙辰前令俞君文英始修志厥後張君文誥修於
萬曆戊子康君善述修於康熙丁卯王君博厚修
於雍正庚戌此書已三纂矣顧其地隨時轉風與
時化迄今又三十年踰時既久詎惟是秩官選舉
節孝行誼漸有積薪之勢懼其久而將湮耶山川

疆域且有昔是而今非者守土者執當日之志書
求今日之治理其不膠柱也者幾希重修之議烏
可不急講也昔朱子守南康甫下車卽詢郡志子
子謂其識治體余待罪越四年迨聞調而始議及
非曰緩也舊志中有宜存者有宜去者有宜更正
而變通者余數載于此或於諮詢所及而有採訪
或於舟車所至而有經歷或於張弛所加而有興
革皆志物也皆志要也乃集邑紳而告之曰今可
以言重修之事矣爰于歲之九月延仁和呂朝堂
先生博古君子也秉筆總裁與邑中公明之士者

致主講謝孝廉輩旁搜遠覽苟確有得於所見與
所聞與所傳聞衆猶謙讓而未遑者筆則筆削則
削知我罪我余固弗敢避焉四閱月而稿成雖不
敢與通都大邑之紀載爭奇然以謬承諸前令後
條而列之彙而纂之文損於前事增於後爲綱爲
目燦然備舉用是付諸梨棗於以宣揚

聖化固不特山陬僻隅有以彰一道同風之盛而亦爲
後之官斯地者舉事不誣經世有憑豈僅爲一時
之文獻已哉是爲序乾隆戊寅邑令姜山

按姜志爲浙江仁和明經呂伊編邑舉人謝以
光拔貢生謝惠成敖泰貢生李燾柯爾常吳昌
偃劉世槐監生梁文海生員柯日旦黃朝廣嚴
而泰陳舜源敖震謝參光嚴而溫陳開五儒士
黃朝文同輯凡十六卷今存

重修陽春縣志銜名

主修

署陽春縣知縣陸向榮

清江

陽春縣知縣陳懷彥

吉水

署陽春縣知縣坐補儋州知州喀勒崇依

滿洲

編纂

在籍翰林院編修劉彬華

番禺

同輯

歲貢生原任增城縣學訓導李家翰

舉人連州學正劉世探

陽春縣志

銜名

三

舉人大舉挑一二等林宣鐸

恩貢生劉榮珩

歲貢生李正綱

卽用縣丞附貢生楊廷鏡

生員楊開鼎

校錄

生員陳祖儒

採訪

生員莫滿

生員張作賓

生

員鄧元端

監

生蕭德上

監

生嚴超奇

辦事

縣

丞李承遠

監

生吳垣豐

監

生劉觀聰

陽春縣志

銜名

一

陽春縣志例言

陽春舊志康

善述

王厚

姜

山

所修並存大率

尙陋繁蕪殊非善本今重訂為十四卷刪潤大半補輯較完事增於前文省於舊第拘於踵事之見亦不免從俗之譏博綜古今以成一家言仍俟後之君子志載詔令自古而然我

朝

列聖敷言

典謨丕布炳如日星敬謹錄弁簡端是訓是行於風俗

陽春縣志

例言

三

人心裨益甚大非僅遵體制也

地志古曰圖經故必以圖為冠圖疆域而不開方計里非古也後陳名勝繪畫雖工何裨政要茲為圖者十而舊志八景圖悉刪之

舊志沿革並未取唐宋以來地志諸書與正史參互考訂是以舛誤相仍康志以沿革災祥變亂弁之卷端體例尤雜茲專撰沿革一表以正其訛餘別入事記

粵為揚之南裔肇郡在粵已屬一隅言分野者邑統于郡原可不書羅列星經連篇累牘何前人之

不憚煩省爲一條而附說於後存其槩耳
志山水支脉源流在所必析雖亦摹勝景然無取
詞繁岡嶺巖石無非山也泉湖亦水也八景大都
皆山水也併其目而約其辭不敢仍舊志之陋
近世志家撰職官傳輒題曰名宦撰人物傳輒題
曰鄉賢原其稱謂定自

朝廷志乘豈容槩許又孝友忠烈儒林文苑諸目惟國
史論定一代人物乃得區分方志第當臚舉其人
以俟史氏採擇非可預標品目上擬國史體裁也
舊志分日瑣碎尤不足辯茲統名宦於宦績而人

陽春縣志

例言

三

物則第以年代爲次

賦役一門經政之要案牘事例不容不書但志乘
自有體每事惟當摘錄一條不必如檔冊之歷敘
案由篇重語複也舊志冗鄙此爲尤甚悉裁正之
其牌牒文體原取宜今若泥古而強加修飾亦非
也

邑志述宦績斷自知縣以下此通例也葉石洞志
永安以叅議顧養謙通判高守謙於永安有特著
之功遂爲作傳論者猶病其泛若督撫爲封疆大
吏勲在全粵惟通志得而傳之尤非邑乘所當載

筆舊志殊失限制應徑從刪

選舉推及封贈亦足以勵顯揚顧男女名氏並書此家乘體也奚可施之邑乘以命婦移附列女於義爲安

志爲陽春而作事非專繫茲邑者畧之可也惟

蠲租曠典暨禮教經政救大端雖屬通行仍詳無畧春爲僻壤斯亦考核所資

職官暨人物必其人已歿乃爲撰傳惟節婦年近六十古井不波於時可信故現存者亦登

諸傳或采之羣書或徵之輿論確有可據然後增

陽春縣志

例言

三

收其傳聞異詞無可攷證者姑從闕如

藝文著錄昉於劉畧班志因之專編書目非載諸文也其詩文則當仿范氏吳郡志之例分註各條之下陽春著述書目寥寥不能成帙祇可仍彙詩文爲一卷蕪陋之作雖古必刪雅馴之詞雖近亦採汰沙礫似畧盡蒐珠玉尙多遺耳

志爲傳信之書于寶搜神齊諧誌怪非所尙也如射木山神托生李氏之類悉從芟削

邑志自乾隆戊寅續脩而後閱六十餘年其間潛德幽光應爲闡發凡見聞所及不敢或遺此外見

聞所未逮當復不少始事者難爲力繼事者易爲
功蒙竊有待已

陽春縣志

卷

陽春縣志目錄

卷之一

詞典

卷之一

輿地

諸圖 沿革 疆域 分野 都里 田賦

卷之二

建置

城池 廩署 壇廟 倉廩 梁津 隄防

卷之三

職官

文職 武職

卷之四

陽春縣志

目錄

三

經政

戶役 田賦 屯田 徭田附 餉稅

卷之五

學校

書院附

卷之六

禮儀

儀制 祀典

卷之七

選舉

薦辟 進士 舉人 貢生 武科 授例

卷之八

兵防

營制 祿餉 馬匹軍器 狼兵 勇民

卷之九

官績 萬曆附

卷之十

人物

卷之十一

列女

命婦 女仙 節婦

卷之十二

占蹟

城址

署宅

塚墓

寺觀

石湖

卷之十三

事記

卷之十四

陽泰縣志

目錄

藝文

勅

記

傳

類

銘

詩

書

畫

陽春縣志卷之首

訓典

世祖章皇帝頒示賦役全書序

順治十四年

朕惟古帝王臨御天下必以國計生民爲首務故重
貢則壤定賦周官體國經野法至備也當明之初取
民有制休養生息至萬歷年間海內殷富家給人足
及乎天啟崇正之世因兵增餉加派繁興貪吏緣以
爲奸民不堪命國祚隨之良足深鑒朕荷

上天付託之重爲生民主一夫不獲亦疚朕懷凡服御膳
羞深自約損然而

陽春縣志

卷之首

訓典

一

祖宗百神軍旅燕饗犒錫之繁以及百官庶民餼廩之給
罔不取之民間誠恐有司額外加派豪竊侵漁中飽
民生先困國計何資茲特命戶部右侍郎王宏祚將
各直省每年額定徵收起存總撤實數編撰成帙詳
稽往贖叅酌時宜凡在參差遺漏悉行駁正錢糧則
例俱照萬歷年間其天啟崇正時加增盡行蠲免地
丁則開原額若干除荒若干原額以萬歷刊書爲準
除荒以覆奉御旨爲憑地丁清核次開實徵又次開
起存起運者部寺倉口種種分晰存留者款項細數
事事條明至若九釐銀舊書未載者今已增入宗祿

銀昔爲存留者今爲起運漕白二糧確依舊額運丁
行月必令均平腴襖盛甲昔解本色今俱改折南糧
本折昔留南用一抵軍需官員經費定有新規會議
裁冗改歸正項本色絹布雜料銀朱銅錫茶蠟等項
已改折者照督撫題價值開列解本色者照刊書價
值造入每年督撫確察時值題明填入易知單內照
數辦解更有昔未解而今宜增者有昔太冗而今宜
裁者俱細加清核條貫井然後有續增地畝錢糧督
撫按彙題造冊報部以憑稽核綱舉目張勒成一編
名曰賦役全書頒布天下庶使小民遵茲令式便於
輸將官吏奉此章程罔敢苛斂爲一代之良法垂萬
世之成規雖然此其大畧也若夫催科之中寓以撫
字廣招徠之法杜欺隱之奸則守令之責也正以率
屬承流宣化覈出納之數慎那移之防則布政司之
責也舉廉懲貪興利除害課殿最於荒墾昭激揚於
完欠恪遵成法以無負朕足國裕民之意則督撫之
責有特重焉其敬承之毋忽

聖祖仁皇帝上諭十六條

康熙十八年

敦孝弟以重人倫篤宗族以昭雍睦和鄉黨以息爭
訟重農桑以足衣食尙節儉以惜財用隆學校以端

士習黜異端以崇正學講法律以儆愚頑明禮讓以厚風俗務本業以定民志訓子弟以禁非爲息誣告以全善良誠匿逃以免株連完錢糧以省催科聯保用以弭盜賊解讐忿以重身命

御製訓飭士子文

康熙四十一年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾樸棫作人之意乃比年士習未端儒效罕著雖因內外臣工奉行未能盡善亦由爾諸生積錮已久猝難改易之故也

陽春縣志

卷之首

訓典

三

茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化僞盈之氣文章歸於醇雅毋事浮華軌度式於規繩最防蕩軼子矜佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱倖脫褫朴

竊章縫返之於衷寧無媿乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不

特爾身有榮卽爾祖父亦增光寵矣逢時得志寧俟他求哉若仍視爲具文玩愒勿儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尙敬聽之哉

世宗憲皇帝諭知州知縣

雍正元年

朕惟國家首重吏治爾州牧縣令乃親民之官吏治

之始基也貢賦獄訟爾實司之品秩雖卑職任綦重州縣官賢則民先受其利州縣官不肖則民先受其害膺茲任者當體朝廷惠養元元之意以愛民爲先務周察部屋綏輯鄉里治行果有其實循卓自有其名非內聚賄而外干譽謂之名實兼收也全省吏治如作室然督撫其棟梁也司道其垣墉也州縣其基址也書曰民惟邦本本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸有濟乎

皇考臨御六十一年灼知州縣之重特行引見咨詢明試

陽春縣志

卷之首

訓典

五

至詳至慎其有廉能之員每不次超擢以示鼓勵
海內羣黎皆

皇考所懷保也朕膺

宗社重寄思繼

皇考之治功惟爾州縣諸臣具有父母斯民之責其爲
立之基址以固邦本焉誠能潔已奉公實心盡職一
州一縣之中興仁興讓教孝教忠物阜民安刑清訟
簡朕將升之朝宁用作股肱如或罔念民瘼恣令
婪或賤削肥家或濫刑逞虐或藉刻以爲清或恃才
而多事或詔媚上司以貪位或任縱胥吏以擾民或

徇私逞欲以上虧國帑王章具在豈爾貸歟更有任
州縣時私肥已橐而漫云且俟顯要方立名節者其
與初市清名晚而改操之人何以異哉至於錢糧關
係尤重絲毫顆粒皆百姓之脂膏增一分則民受一
分之累減一分則民沾一分之澤前有請暫加火耗
抵補虧空帑項者

聖考示諭在廷不允其請爾諸臣共聞之矣今州縣火耗
任意加增視爲成例民何以堪乎嗣後斷宜禁止或
被上司察核或被科道糾察必從重治罪決不寬貸
夫欲清虧空之源莫如節儉正直節儉則用無不足
正直則上官不可干以私若賤小民之生以飽上官
之貪欲冒不測之罪以快一時之奢侈豈砥礪廉隅
爲民父母之道乎爾州縣等官其恪共乃職勿貽罪
戾毋謂地遠官卑朕不及察其賢否也特諭

御製

聖諭廣訓序

雍正二年

書曰每歲孟春道人以木鐸徇於路記曰司徒修六
禮以節民性明七教以興民德此皆以敦本崇實之
道爲矚民覺 之模法莫良焉意莫厚焉我

祖仁皇帝久道化成德洋恩普仁育萬物義正萬民六

陽春縣志

卷之首

訓典

六

十年來宵衣旰食賦期薄海內外興仁講讓革滯從
忠共成親遜之風永享昇平之治哉

特頒上諭十六條曉諭八旗及直省兵民人等自編當名
教之際以至於耕桑作息之間本末精粗公私鉅細
凡民情之所習皆

睿慮之所周視爾編氓誠如赤子

聖有謨訓明徵定保萬世守之莫能易也朕纘承大統臨

御兆人以

聖福之心為心以

聖福之政為政夙夜勉率由舊章惟恐小民遵信奉行

陽春縣志

卷之首

訓典

七

久而或怠用申誥誠以示提撕謹將

上諭十六條尋繹其義推衍其文共得萬言名曰

聖諭廣訓旁徵遠引往復周詳意取顯明語多直樸無甚

奉

先志以啟後人使羣黎百姓家喻而戶曉也願爾兵民等

仰體

聖祖正德厚生之至意勿視為條教號令之虛文共勉為

謹身節用之庶人盡除夫浮薄囂凌之陋習則風俗

醇厚家室和平在朝廷德化樂觀其成爾後世子孫

並受其福積善之家必有餘慶其理豈或爽哉

論朕惟撫養元元之道足用爲先朕自臨御以來無刻不厯念民依重農務本業已三令五申矣但我國家休養生息數十年來戶口日繁而土田止有此數非率天下農民竭力耕耘兼收倍獲欲家室盈寧必不可得周官所載巡稼之官不一而足又有保介田畯日在田間皆爲課農設也今課農雖無專官然自督撫以下孰不兼此任也其各督率有司悉心相勸並不時咨訪疾苦有絲毫妨於農業者必爲除去仍於每鄉中擇一二老農之勤勞作苦者優其獎賞以

陽春縣志

卷之首

訓典

八

示鼓勵如此則農民知勸而惰者可化爲勤矣再令傍田畔以及荒山不可耕種之處度量土宜種植樹木桑柘可以飼蠶棗栗可以佐食柏桐可以資用卽榛楛雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊亦爲民利不小至孳養牲畜如北方之羊南方之蠶收養如法乳字以時於生計不無裨益總之小民至愚經營衣食非不迫切而於目前自然之利反多忽略所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦

還淳爾督撫等官各體朕惓惓愛民之意實心奉行
倘視爲具文苟且塗飾或反以擾民則尤其不可也
閩廣百姓各務本業 雍正五年

論閩廣兩省督撫常稱本省產米甚少不足以敷民
食總督高其倬亦曾具奏巡撫楊文乾則云廣東所
產之米卽年歲豐收亦僅足供半年之食朕思本省
之米不足供本省之食在歉歲則有之若云每歲如
此卽豐收亦然恐無此理或田疇荒廢未盡地力或
耕耘怠惰未用人力或奸民希圖重價私賣海洋三
者均未可定昨曾面諭九卿今廣東巡撫韓良輔奏

陽春縣志

卷之首

訓典

九

稱廣東地廣人稠專仰給於廣西之米在廣東本處
之人惟知貪射重利將地土多種龍眼甘蔗烟葉青
靛之屬以致民富而米少廣西地瘠人稀豈能以所
產供鄰省多合販運等語此奏與朕前旨相符可知
閩廣民食之不足有由來矣令二省督撫等悉心勸
導俾人人知食乃民天各務本業盡力南畝不得貪
利而廢農功之大不得逐末而忘稼穡之艱至於園
圃果木之類當俟有餘地餘力而後爲之豈可圖日
前一時之利益而不籌畫於養命之源以致緩急無
所依賴而待濟於鄰省哉假若鄰省或亦厥收則

將何如哉該督撫等務須醇切曉諭善爲化導俾庶民豁然醒悟踴躍趨事則地方不致虛耗而米穀不致匱乏矣特諭

訓禮義廉恥辨

雍正五年

論近因考試新科進士以宋儒所云士人當有禮義廉恥句爲論題諸進士試卷進呈朕躬自披覽見其文藝之工拙優劣固有不同然大槩皆詞章記誦之常談見解卑淺識量狹隘未能真知題中之理蘊而實有發明蓋所言止於儀文末節而已非禮義廉恥之大者也朕則謂古人言禮義廉恥國之四維者蓋

陽春縣志

卷之首

訓典

十

以天下之大四海之衆皆範圍其中而不可須臾離而士人貴有禮義廉恥之說所指甚遠所包甚宏上之爲人君下之爲人臣皆當求其大者以爲務而不可屬於儀文末節之間也以禮言之如化民成俗立教明倫使天下之人爲臣者皆知忠爲子者皆知孝此禮之大者也進退周旋俯仰揖讓此禮之小者也以義言之如開誠布公蕩平正直使天下之人無黨無偏和衷共濟此義之大者也然諾不欺出入必謹此義之小者也以廉言之理財制用崇儉務本使天下之大家給人足路不拾遺盜賊不生爭訟不作貪

官污吏無以自容此廉之大者也簞食豆羹一介不
取此廉之小者也至於以恥言之爲人君者憲天出
治誠利萬民則當以一夫不獲其所爲恥爲人臣者
行義達道兼善天下則當以其君之不爲堯舜爲恥
若夫迂拘曲謹如鄉黨自好之類不失言於人不失
色於人此乃知恥之小者耳曾何足以盡有恥之道
乎欲爲君盡君道欲爲臣盡臣道而其道曾不外禮
義廉恥之大端士人者必當以天下爲己任其身卽
爲臣之身而有致君之責者豈可徒知禮義廉恥之
小節而不知禮義廉恥之大者乎夫禮義廉恥由一

陽春縣志

卷之首

訓典

十一

端之小者擴而充之皆可以保四海然必知其大者
而務之自可不遺於其小若或徒窺小節而不知其
大則迂拘曲謹止圖檢束一身而不敢任天下之重
此則細民之行而非士人之道也孔子曰人能宏道
非道宏人其可不勉自奮立乎朕引見新科進士之
時卽欲面加訓諭因天氣炎熱恐伊等暫時跪聽不
能悉心領會今特詳爲宣示朕願與大小諸臣交相
儆勉詳思禮義廉恥之大者身體力行則人心風俗
蒸蒸日上而唐虞三代之治庶幾其可復見也特諭

高宗純皇帝

御製正文體 乾隆十年

國家設制科取士首重者在四書文蓋以六經精微盡於四子書設非讀書窮理篤志潛心而欲握管揮毫發先聖之義蘊不大相逕庭耶我

皇考有清真雅正之訓朕題貢院詩云言孔子孟言大是難乃古今之通論非一人之臆說也近今士子或故爲艱深語或矜爲俳儷辭爭長角勝風檐鎖院中偶有得售彼此仿倣爲奪幟爭標良技不知文風日下文品益卑有關國家掄才鉅典非細故也夫古人論文以渾金璞玉不雕不琢爲比未有穿鑿支離可以傳

陽耒縣志

卷之首

訓

十三

世行遠者至於詩賦採藻敷華雖不免組織渲染然亦必有真氣貫乎其中乃爲佳作今於四書文採摭辭華以示淹博不啻於孔孟立言本意相去萬里矣先正具在罔識遵從習俗難化職此之由嗣自今其令各省督學諸臣時時訓飭鄉會考官加意區擇凡有乖於先輩大家理法者擯棄勿錄則詭遇之習可息士風遠淳朕有厚望焉特諭

仁宗睿皇帝

御製義利辨

嘉慶十四年

義利者何公私之別耳勿曰乾始能以美利利天下

不言所利大矣哉當取之利必合義未嘗不以
語人公之謂也背義而取之利害必隨之
語人私之謂也公即天理私即人欲存心二理必不
妄取若徇人欲必至敗度所謂博施濟衆也天下之
人同天下之利富有四海澤被八方豈損上益下哉
實自益耳若橫征暴斂聚財積貨圖目前有限之歡
娛貽身後無窮之大患豈損下益上哉乃自損下君
道如是臣節亦同事君以敬爲先爲政以廉爲本
理而行屏除物欲知足不辱知止不殆違義之謂
毫不染旣非悖入之財斷無悖出之事誠全身遠

之大猷福延子孫名煥簡冊賢臣之所願也奸
者自有肺腸逞其貪心縱欲徇利不顧不義罔恤
家親其所不親爲人所不爲卒至患積日深禍由自
作身被刑戮妻子流離無一倖免良可悲夫總由不
辨義利不辨公私不明理欲不顧是非之所致也財
散民聚重義而輕利也公天下之大道堯舜禹湯政
之大端也財聚民散見利而忘義也徇一己之私從
桀紂椒獻失國之大略也無遠慮必有近憂圖大利
終憂大害君臣同應儆戒上下交相勸勉庶幾朝
佐臣部少貪吏民鮮竊攘戶有菴藏將見政簡刑

風淳俗美我君臣期其勉之繫以銘曰
識見毋小心志勿馳大智不惑大勇不移錙銖較量
堪憫思癡視財如寶惡因日滋水滿必決貨積禍隨
日中則昃月滿則虧天道如是奚不慎思日宣三德
衷凜四知非義不取至公無私寸心不放暗室不欺
富藏天下俗臻皞熙百工弼亮成此銘詞